

Inatsisartut Suleriaasianni § 36 malillugu apeqquteqaat aallaavigalugu oqallinnissamik imaattumik siunnersuuteqarpunga:

Piniakkat angisuut, soorlu Qilalukkat qaqortat qernertallu pillugit ullumikkutut kisitsisarneq ingerlanneqartassanersoq imaluunniit atortorissaarut pitsaanerusut atorlugit kisitsisoqartalissaneroq pillugu oqallisissiatut siunnersuut

(Inatsisartunut ilaasortaq Gerth Mikaelson, Naleraq)

Ullutsinni naluneqanngitsutut piniartut pisariaqartittorujussuui piniakkat. Sunami tamaat akitsoriartorpoq nunatsinni. Piniartut ilaqutaqarput pilersukkaminnik, kiisalu inuttut allatuulli akiligassaqarput. Inuiaqatigiinilu nerisassaqaarnikkut nunatta pissarititaanik pingaartumik inissisimasarlutik.

Piorsarsimassutsitta pingaarnersaa attallugu ullormiit ullormut ingerlatsisuupput. Nunarpummi qangaaniilli piniartoqarfissuusimavoq, piniartorsuit ataqqinartut, ataqqineqartariaqartut. Piniakkaminnik aamma ataqqinnittut.

Piniartillutik piniagassat angisuut nukittutigisullu qunugatik piniartarpaat toqu ajapertarlugu, qanoq iliallannikkut kukkunertigut ajunaartoqariaannaasarluni. Nammineq inuttut piniartuunikumik qaannamik qilalugarsiortarnikumik ataataqaarnikuulluni/nalunngisaqarluni piniakkallu angisuut aasat tamaasa isigiuarnikuullugit, nersunartarput piniartorsuit qamuuna nukittussusii. Piniartunuku ataqqisassat, piorsarsimassutsitsinnut pingaarutilerujussuit.

Amerlanertigut ilaqutaasut neriungaarlutik pisaqarsimallutik utertussat utaqqisarpaat, inuttut naammagittartariaqartartut. Anaanaasoq ilungersortariaqartarluni uimi piniariarnerani meeqqaminut isumaginnilluni.

Naleqqamiit piniartunut ilaqutaasunullu atugassarititaasut isigigaanni ullutsinni timmisartumik kisitseriaaseq naammannersoq eqqartorneqartariaqartoq isumaqarpunga. Teknologi nutaaliaq atornerarsinnaasoq isumaqarpunga atornerusariaqaripput, tassa videoliuutit qaqqap qaavaniitsinneqarsinnaasut seqinermillu immiissutit atorlugit batteriivi immersorsinnaasut, tamakkua atortorissaarutit pitsaasut piniartunullu aamma allanut paasissutissanik peqalersitsisinnaasut atulerutsigit piffissanngunnginnerpa?



Soorunami piniartut ataqqinartut ilisimasallit suleqatigineqassapput. Atortorissaarutillu atorumaneqarusunnginnerlutik? Soorunami aasaq tamaat piniariartarfimmiitillugit aasarlu naalerpat utertittarlugit. Aasap ingerlanerani susassaqtuniit alakkartittarlugit, pitsanngorsagassaqarpat suliaralugit. Satellitsikkut malinnaasinnaallutik susassaqtuniit.

Nunarsuatsinni tamakkuninnga suliaqartartut suleqatigalugit tamakkua ingerlanneqarsinnaapput, ilinniartitsiutaa nunaqavissunik. Aamma nunatsinni inuusuttut qarasaasiakkut atortorissaarutitigullu pikkorissigaluttuinnartut atorluarneqarsinnaapput taamaalilluni.

Siunissaq ungasinnerusoq eqqarsaatigalugu aamma piniakkat ingerlaartarneri taavalu qanoq takussaatisarnersut paasineqarsinnaagalarput. Aamma paasiniaasarnissaq qaqugukkut pinissaa paasineqassagalarluni. Piniartunut kiisalu suliaqtunut tamanut iluaqutaasussaavoq, aamma akikinnerulersinnaalluni.

Taamaalilluta ullumikkutuut aamma killilersuinerujussuaq illuanut saatinnissaa periarfissaalersinnaassaaq. Paasisimasaqarnerulertussaavugut. Tamatsinnut iluaqutaasussaasoq qularinngilara.

Qujanaq.